



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Octaviano Hostien. Episcopo, Vicario nostro.

**urn:nbn:de:hbz:466:1-20006**

## 210 Epistolarum Innocentij III.

ejus existat, & sic actus nostros in sua pace disponat, ut ea semper meditemur interius & exterius operemur quæ nobis & subditis nostris in præsenti proveniant ad quietem, & ad vitam in futuro proficiat sempiternam. Nos enim, quantum concesserit Dominus, profectibus vestris imminere diligenter intendimus, & vobis in necessitatibus vestris potenter adesse, ac contra malignantium impetus apostolica protectione præsidium indulgere, quod tunc libentius exequemur, cum vestris nos senserimus precibus & meritis adjuvari. Dignum est enim ut pro nobis universalis Ecclesia preces effundat, & insufficientiam nostram orationibus relevet, qui ad universorum Christi fidelium regimen divino nomine deputati, ex injuncti nobis officij debito universorum cogimur onera sustinere. Ad hæc, cum dilectum filium nostrum Abbatem de Sambucino de fratribus nostrorum consilio ad proponendum verbum Domini populis Siciliæ, ac eos citandos ad obsequium crucifixi, duixerimus destinandum, ipsum habere vos rogamus & volumus excusatum, utpote quem causa Domini, auctoritas mandatoris, & utilitas communis etiam sine literis nostris sufficierent excusant. Datum Reat. IV. Kal. Aug.

*OCTAVIANO HOSTIEN.  
Episcopo, Vicario nostro.*

*Epiſt. 359.  
De consecratio-  
ne altariorum, ex  
mandato D. Pe-  
tri Apostoli.*

**P**AUCIS diebus ante nostrum ab Urbe recessum, sacerdos quidam ætate longævus, timoratus, ut creditur, ad præsentiam nostram accessit, secretò proponens quod in visione nocturna per somnum ei apparuit beatus Petrus Apostolus dicens: Accede ad Pontificem Innocentium, & ex mea sibi parte significa quod à nativitate sua quasi filium illum dilexi, & per diversos gradus promotum in mea tandem sede constitui. Quapropter & ipse decorem & honorem domus meæ debet diligere, studiisque vigili promovere. Sciat ergo quod in Ecclesia mea pauca sunt altaria consecrata, unde contingit quod in altaribus dissecratis divina mysteria celebrantur. Faciat igitur ea saltem cum debita reverentia consecrari, super quæ novit frequentius officium celebrari divinum. Verum cum semel & iterum eadem sibi fuisset visio revelata, nec ipse quod mandabatur impleret, tertio tan-

dem idem Apostolus, velut offensus, intulit dicens: Quia meum obaumisti mandatum, ego tuum tibi tollam auditum. Ex tunc ita surdus effectus est, ut penitus non audiret. Gemens ergo vehementer & plorans, ad confessionem beati Petri devotus accessit, cum lachrymis postulans ut misertus sibi restituueret auditum, quia mandatum ipsius illico adimpleret. Quo per Dei misericordiam exaudito, quod acciderat ei, nobis per ordinem indicavit. Licet autem secundum Apostolum non sit credendum omni spiritui, quia tamen in tali negotio angelus Sathanæ non transfiguraret se in angelum lucis, & melius est piè credere quam temere dubitare, cum honestum sit quod proponitur faciendum, et si verum non esset quod afferitur reuelatum, fraternitati tuæ, de qua plenam fiduciam obtinemus, per apost. scripta mandamus quatenus altaria Philippi & Iacobi, Simonis & Iudæ, beati Gregorij, & sancti Andreæ, quæ dissecrata dicuntur, tu ipse consecres, vel per alios auctoritate nostra facias consecrari. Credimus enim quod ex hoc nobis fructus æternæ retributionis accrescit.

### CONSLIBVS MEDIOLANEN.

**S**VPER negotio Paßaguerræ, pro quo nobis saxe scripsistis, dicentes quod ex levibus causis eum excommunicari mandavimus, unde contra nos grave scandalum est subortum, licet illud vobis respondere possemus quod legalis sanxit auctoritas, quia videlicet instar sacrilegij est de factis Principis judicare, illum tamen in nostra responsione magis volumus imitari cuius, licet indigni, locum tenemus, qui Iudeis obloquentibus non est designatus pro se reddere rationem, inter cerera dicens: Si male locutus sum, testimonium perhibete de malo; si bene, car me cœditis? Nos enim licet flagello linguae vestrae cædamur, quia tamen secundum Apostolum proximum nobis est utrum à vobis aut ab humano die fuerimus iudicati, dummodo nostra nos conscientia non remordeat, non timentes scandalum contra veritatem subortum, cum veritas non sit relinquenda pro scando, (teste Veritate, quæ cum ei ab Apostolis diceretur, Seis quia Iudei audito hoc verbo scandalizantur) respondit, Sinite. cœci sunt, & duces

*Epiſt. 360.  
Quod Paß-  
guerra justè  
fuerit excom-  
municatus.  
Vide supra p. 35.  
83.*